

已經欽遵每年出榜禁約外近年以來有苛刁頑之

徒不畏法度往往衝突儀仗叫屈伸訴因與

准行以此習以為常不知懼今照弘治二年正月內

大祀

天地

聖駕將出

視牲行禮誠恐有罪之人叫屈伸冤不死要瀆今照例將

前項欽奉

憲宗皇帝聖旨事理再行謄寫出榜張掛曉諭禁約若有

罪人仍前衝突儀仗叫屈伸訴者照例許錦衣衛拿

送法司究問其所奏事情立案下行如此則法禁嚴

明刁頑警懼奉

聖旨是欽此

### 嚴飾武備

天順八年十二月十一日兵部尚書王 竑題該直

隸壽州衛致仕都指揮僉事李素奏近奉中軍都督

府勘合該戶科給事中童軒言語迂闊內閣不拘閑

閱世員不限山林行伍並許

上書陳言節該奉

聖旨有材者將許他上書自陳通行天下軍衛有司知道

欽此欽遵備行到衛將所言事件開坐具奏奉

聖旨該衛門知道欽此欽遵今將本官所言事件逐一議

擬開立前件具題奉

聖旨是欽此

計開

嚴節武備臣聞國之大事莫過於兵自古聖

王莫不以兵定天下哉雖太平亦不可忘於  
兵也孔子有言以不教民戰是謂棄之若教  
之有法舉之有道故能取於人也是以有制  
之兵無能之將不可勝也教閱之法信不可  
忽教得其道則士卒樂以為用教不得法朝  
督暮賞免盜於事矣孫子曰將不言教道  
之不明吏卒无常陳兵縱橫日乱夫人常死  
其戰陣之所不能敗其坐作進退之所不便  
故用兵之法教戒為先一人李戰教成十人  
十人李戰教成百千萬人分而教之使三軍  
皆便則何死敗之有若法令不明賞罰不信  
金之不止鼓之不進雖有百万何益於用非  
所謂兵得其治者乎作則上下有礼動則奮

發有威進之而前使敵莫能當其勇退之則  
逆使敵莫能退其後或後皆有制節或  
左或右皆應麾指雖斷絕而陣勢不絕雖散  
走而行五不乱若驅群羊由將之所揮授之  
所往天下莫能當也此名父子之兵一心者  
也非結之以恩信施之以仁義明之以賞罰  
申之以號令其能然乎孫子曰道者令民與  
上同意可與之死與之生而不畏危也即此  
義耳臣切思方今天下取乎日久武戢子孫  
生於富貴之中不諳軍旅之事日甚驕逸忽  
於用兵之道今中國地方雖有操練之定若  
不貴成效一旦緩急用失誤事机此亦方今  
之急務不可不豫備也傳曰凡事豫則立不



陳則廢乞

勅兵部斟酌古法較勘黃帝太公司馬諸葛并諸家陣法取其簡當不錯亂者為之定式頒降天下諸諸司衛所遵依教練同其輒執各選有勇畧之人以提之首唐太宗問李靖五行陣如何李靖對曰本因五色立此名方圓曲直疏實因地形使然凡軍不累習此五者安可以臨備乎臣比先在衛管軍之時因而教演官軍習以金木水火土五行陣法用青黃赤白黑旗色為五方之變又以五色花營陣及諸般八陣相參用之間以騎射牌棒諸般武藝教道一年有餘而官軍頗有紀律後因行取赴京而前功俱廢矣即今各處操練不一全無

古法雖有此托延按及清軍官員緣各官所掌事務况難不能專理其事臣愚以為合無照依提調李校事例設添監察御史分派地方專一往來提調操練嚴飾武備遇有城垣坍塌隨即撥軍脩理遇有草寇生發隨即發軍勦捕務要城池堅固器械鋒利武藝熟閑兵政振卒及照各

王國去處無三司衙門者添設鎮守官星俾之防微杜漸糾察事情如此嚴飾武備不惟威制四夷庶可以保安

宗社萬萬年無疆也

前件看得所奏要乞本部斟酌古法著為定式頒降天下諸司衛所令其遵依教練及各

王國去處無三司衙門者添設鎮守官員俾之防微杜漸一節考之兵法曰兵形象水承因地而制流矣固敵而制勝水無常形兵照常勢難以斟酌古法著為定式今天下諸司衛所遵依教練各處

王國所在無三司衙門去處亦有軍衛有司衙門在彼亦難一一差官鎮守其言要點提調李校事例添監察御史分派地方提調操練一節緣今各處地方既有按察司官在彼八巡又有監察御史在被巡將其山東河南陝西四川湖廣廣東山西南五牌并各邊又有都御史在彼巡撫并提督及贊理軍務難以又差監察御史前去提調操練合無通行各處巡

撫等項都御史并巡按監察御史及按察司分送官員各要提督所屬衛所官員操選精壯官軍整飾合用器械用心如法操練以消奸宄以防不虞如是衛所管操官員因循着且不以操練為重或將軍士私役賣放將器械不行整飾以致預備不設防禦無法宜從巡撫等項都御史并巡按監察御史及按察司送分官員指實奏奪問